

Gvangjsih Minzcuz Bau

ganhhau: CN45-0036 B.2019 Nd.7 Ng.10 liggaueq geijhah nienz ndwenloeg cobet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3382期

Namzningz Yungl Lai Cungj Banhfap Gyalai Hong Senhconz Cwngcwz Fapgvi Saw Vah Minzcuz

《Aen Diuzlaeh Hong Saw Vah Minzcuz Vunznoix Gvangjsih Bouxcuengh Swcigih》(lajneix genjdanh heuh 《Diuzlaeh》) hengzguh doxdaeuj, Namzningz Si yungl lai cungj banhfap hagsib senhconz 《Diuzlaeh》, cau hok gij heiqfaenh senhconz saw vah minzcuz caeuq cwngcwz fapgvi saw vah minzcuz ndei, doicaenh saw vah minzcuz hwngfat baenaj.

Doidoengh daengx si mizgven siciz bouhmonz、yienh gih laebbaenz aen siujcuj lingjdauj guhhong gvan-gez doeksaed 《Diuzlaeh》. Nyinhcaen gvancez doeksaed hengzguh 《Diuzlaeh》, aeu hagsib senhconz 《Diuzlaeh》 dangguh loh yinvu youqgaenj, liedhaeuj ngoenznaengz yaengsaeh caeuq gij yaudenj hong bi 2019 bujfaz ciuqfap

ceihleix, caemhcaiq dangguh gij neiyungz youqgaenj aen hozdung cau hlaeb minzcuz doxgiet daeuj guh.

Haiguh hozdung camdap miz-ciengj lai cungj lai yiengh. Lumjbaenz youq Namzningz Si Swhfazgiz veihsin bingzdaiz guh aen hozdung camdap cihsiz miz ciengj ciendaeh 《Diuzlaeh》 guh 3 ngoenz, miz 13334 vunz caeuqfaenh hozdung. Lumjbaenz giethab Cungguk moq laebbaenz 70 hopbi、 “ndwen senhconz minzcuz doxgiet cinbu” daengj ngoenzciet hung minzcuz caeuq “aen hozdung yienjheiq senhconz cwngcwz fapgvi saw vah minzcuz cunghgyau” “gaen gou hag Sawcuengh” daengj fat 《Diuzlaeh》 caeuq swliu gejdoeg daengj 9000 lai faenh, yienhcieg guh hozdung

camdap cihsiz miz ciengj, miz baenz fanh vunz caeuqfaenh, cau hok gij heiqfaenh ndei hagsib yungl saw vah minzcuz vunznoix.

Banh aen hozdung Cungguk moq laebbaenz 70 hopbi caeuq “sam nyied sam Bouxcuengh” minzcuz doxgiet cawjdaez soucomz vah hohfuk, youq Gvangjsih Minzcuz Bau、Namzningz Yizbau、Namzningz Sinhvnzvangj caeuq veihsin gunghcunghau daengj bingzdaiz guh hozdung soucomz、senhconz, hawj engq lai siminz roxyiuj faplwd fapgvi caeuq cwngcwz saw vah minzcuz、roxyiuj hong doihengz Sawcuengh caemhcaiq caeuqfaenh haeujbae.

(Veiz Yinjsenz Veiz Sezyenz)

SIUSIK DINJ

● Ndwen 7 ngoenz 1, Dunghlanz Yen Sanhlung Yauzcuz Yangh youq Lungningz Cunh Mbanjyauz miz minzsuz fungcingz aennyenz haenx guh aen hozdung angqhoh “cietuczu” bi gvaq baez, beixnuengx Yauzcuz ndang daenj buhvaq moqsag gyaueget doxcomz giz ndeu, ciengqgo diuqfoux caez angqhoh ngoenzciet, hozdung lai cungj lai yiengh yinx ndaej haujlai bouxhek caeuq vunzlai henzgyawj daeuj yawj.

(Veiz Fungh)

● Geij bi neix daeuj, Lingzyinz Yen Lozlouz Cin doenggvaq cwngfuj sonyinx、vunzlai gag guh、cwngcwz doidoengh、gohgi daiqdoengh、ngaenzcienz bangfuz daengj, guhhung ndaem gonengznuengx ciengx nonsei, hawj nungzyez gyalai yauqik、vunzguhnaz laisou. Ciuq camrox, aen cin neix bi 2019 miz 260 lai ranz ciengx nonsei, ranz ciengx nonsei bi bingzyaenz souhaeuj daih’iek daengz 5 fanh maenz baedauq.

(Veiz Senh)

● Mboengqneix, Lozcwngz Mulaujcuz Swciyen Aen Lenzhozvei Mehmbwk bae Aen Hozcozse Ciennieb Vunzguhnaz Dajciengx Dajndaem Fanh Ranz Miz Lozcwngz guh hozdung gangj, sonyinx mehmbwk gungzhoj giendingh gij saenqsim caeuq gietsim dwkhingz gungzhoj、gaijbienq yienghsiengq doeklaeng, vih dwkhingz ciengz ciengq vut gungz gunggeng、saedyienh aen moegbiu cienzmienh hwnq baenz aenbiengz siujganh roengzrengz.

(Mungz Cwnghsw)

● Geij bi neix daeuj, Denzyangz Yen Duncing Cin Nendanz Cunh baengh bangfuz mak、yungl ciengj lawh bouj daengj banggungz cwngcwz, gujli ranzgungzhoj haenqrengz ndaem makgam、makgaivaiz daengj canjnieb miz daegsaek, bi 2018 mued daengx cunh dajndaem mak miz daegsaek najdieg 138 moux, canjnieb cwgoemq cingzsoq daengz 90.8%, cunh cizdij ginghci souhaeuj 6.22 fanh maenz, saedyienh daengx cunh ndaej vut gungz.

(Danz Cwnghyangz)

2019 Cungguk-Dunghmungz Bozlanjvei Vwnzvacanj Youq Namzningz Banh



Ndwen 7 ngoenz 5, 2019 Cungguk-Dunghmungz Bozlanjvei Vwnzvacanj youq Namzningz Gozci Veicanj Cungsim haidaiz, baez canjlanj neix comz langhbaij le gij yienghsiengq vwnzva daegsaek Cungguk caeuq Dunghmungz、lijyouz vwnzva、yenji vwnzva daengj neiyungz, langhbaij gij vwnzva maenhndei “Guengjsae gyaunde” caeuq gij cingzeik vwnzva hwngfat, ra engq lai seizgei caeuq Dunghmungz gak guk caeuq sengj gih ndaw guk guh vwnzva doxgap, dap aen bingzdaiz doxgap doxgyau hawj gizdieg vwnzva Cungguk caeuq Dunghmungz. Ndaw doz dwg bouxswncienz Myauzcuz langhbaij dinfwnz guh goenhsoij ngaenz.

(Yiz Sienghceenz/喻湘泉)

Denzlinz: Youq Ndaw Ndoeng Ciengx Gaeq Coi Vut Gungz

Mboengqneix, youq aen ciengx ciengx gaeq ndaw ndoengfaex Denzlinz Yen Lucwngz Yauzcuz Yangh Funghfangz Cunh, baenz bang baenz bang gaeqdoj byaij bae byaij dauq, youq ndaw ndoeng roxnaeuz diengzgaeq ra gwn. Baez raen vunzseng, couh riengjret buet deuz haeuj ndaw ndoenglaeg bae, sing gaeq hemq raq dem raq.

Funghfangz Cunh youq baihdoengnamz Denzlinz Yen, ciengzgeiz doxdaeuj, aen cunh neix canjnieb gezgou haemq dandog, cizdij ginghci hwngfat doeklaeng, vunzguhnaz laisou menh. Bi 2016 ndwen 8, Funghfangz Cunh laebbaenz Aen Hozcozse Ciennieb Dajndaem Dajciengx Funghdwnz Denzlinz Yen, haenqrengz dajciengx caeuq gai doihduz miz daeg-

saek, cujyau dwg youq ndaw ndoeng ciengx gaeq. Ginggvaq hwngfat ca mbouj geijlai 3 bi, aen dieggoek dajciengx neix mboujduenh guhhung. Daengz seizneix, Funghfangz Cunh daj ceiq nduj 7 aen diengz ciengx gaeq guh daengz seizneix miz 56 aen, ndawde miz 7 aen cingq hwnjguh, gaengq daiqdoengh caeuq hwngfat ranz guh dajciengx 43 ranz, ndawde ranzgungzhoj 19 ranz. Bi 2018 mued gai 42.5 fanh duz, bi souhaeuj 250 fanh maenz, vunzlai gungzhoj Funghfangz Cunh ngoenz miz gvaq ngoenz, youq runghbya byaij ok diuz roen vut gungz baenz miz ndeu.

Youq ndaw ndoeng ciengx gaeq dangguh Denzlinz Yen “5+2” daegsaek canjnieb ndawde loh ndeu, youq mwh

bangdoi vut gungz gunggeng fatok cozyung gaenxmaenx. Geij bi neix daeuj, aen yienh neix youq ndaw ndoeng ciengx gaeq hwngfat onjdwt, yinx haeuj Mingzsiengz、Fufung daengj aen gunghsw h dajciengx gikfat gij rengz youq ndaw ndoeng dajciengx, fatok gijnde diufwnz、guenjieix、hawciengz daengj fuengmienh aen gunghsw h dajciengx, haenqrengz doigvangq gij vunqsik guengjuh canjniebvaq “gunghsw h + dieggoek + hozcozse + nungzhoh”. Bi 2018, Denzlinz daengx yienh youq ndaw ndoeng ciengx gaeq gai daj ceiq nduj 5000 duz guh daengz 650 fanh duz, gyaqcienz dij 3000 lai fanh maenz, baenz gij canjnieb cujyau vunzlai gungzhoj vut gungz baenz miz.

(Vangz Yengingz)